

**Inatsisartut 2015-imut aningaasanut inatsisigigallagassaattut siunnersuut**  
(Aningaasaqarnermut Nunamullu Namminermt Naalakkersuisoq)

**Saqqummiussissut**  
(Aningaasaqarnermut Nunamullu Namminermt Naalakkersuisoq)

**Siullermeerinnineq**

Naalakkersuisut sinnerlugit matumuuna Inatsisartut 2015-imut aningaasanut inatsisigigallagassaattut siunnersuut saqqummiuppara.

Inatsisartut 2015-imut aningaasanut inatsisaat 15. november 2014 nallertinnagu akuerineqarsimasussatut ilimagineqarsinnaangilaq. Missingersuutilli pillugit inatsimmi piumasaaqaataavoq Inatsisartut ukioq aningaasanut inatsiseqarfiusoq sioqqullugu 15. november sioqqullugu aningaasanut inatsimmik akuersisimassasut. Taamatuttaaq isertitanit akileraarutit pillugit inatsimmi nuna tamakkerlugu akileraarutip nunalu tamakkerlugu immikkut ukiumut tulliuuttumut akileraarutip procentissaata aalajangersarneqarnissaanut 15. november killiliussaavoq.

Taamaattumik Inatsisartut 2015-imut aningaasanut inatsisigigallagassaattut siunnersuut Naalakkersuisut saqqummiuppaat, Inatsisartut 2015-imut aningaasanut inatsimmik akuersissuteqarnissaasa tungaannut Namminersorlutik Oqartussat akornusersorneqaratik sulinerisa ingerlateqqinneqarnissaannut Naalakkersuisut piginnaatinneqarlutik.

Inatsisartut 2015-imut aningaasanut inatsisigigallagassaata suliariniarneqarnerani piffissaaleqineq pissutigalugu matumuuna Inatsisartut aningaasanut inatsisigigallagassaattut siunnersuut nassuiaatitalik innersuussutigiinnassavara.

Siunnersuummut peqatigitillugu Naalakkersuisut Inatsisartut Suleriaasianni § 41 naapertorlugu immikkut akuerineqarnissamik qinnuteqarput, inatsisissatut siunnersuut ataatsimiititaliamut suliakkiutigiginagu Inatsisartunit siullermeerneqareernermini toqqaannartumik aappassaaneernejarlunilu pingajussaaneernejartussanngorlugu. Taamaalilluni Inatsisartut 2003-mut, 2004-mut 2006-imullu aningaasanut inatsisigigallagaannik Inatsisartut akuersissuteqarnerattulli suleriaaseq atorneqassaaq.

Taamatut oqaaseqarlunga Inatsisartut 2015-imut aningaasanut inatsisigigallagassaattut siunnersuut Inatsisartunit akuersaartumik suliarineqartussanngortippara.